

Fliang

I bin auf'm Weg
Noch irgendwo
Gleich wo I hikim
Es is schee do
I hear as Rauschen von am Boch
Des zarte Plätschern von Fisch
I spring auf, I setz mi nieder
Häng meine Fiass in de Frisch
I laf über luftige Wiesen in an dunklen Woid
De Ruah genießen is wos mi am Leben hoid
Über luftige Wiesn barfuaß im Gros
De Ruah genießen

**Und I fliag auf und davo, weil mi gor nix hoidn ko,
Und de Hitz auf meim Ruckn und da Wind wahd und I spia
I kon fliang**

I kim in a Stod
De ganz wos bsundas an sich hod
Seibst am Abend is's nu wach
Verliebte Menschen schaun sich glücklich an
De Leid se dringan an Kaffee
Und ratschn über ernal Dog
Wos da oa und andere
Zu dem und jenem gsogt hod
I laf über luftige Wiesen in an dunklen Woid
De Ruah genießen is wos mi am Leben hoid
Über luftige Wiesn barfuaß im Gros
De Ruah genießen

**Und I fliag auf und davo, weil mi gor nix hoidn ko,
und de Hitz auf meim Ruckn und da Wind wahd und I spia
I kon fliang**

Es werd auf Nacht
Und es wahd koa Wind
I hear von fern wia oana singt
I geh leise auf erm zua
Und sitz mi neben erm hi
Er strahlt mi o
Und is genauso frei wia I

I mog de Dog

I mog es wenn du lachst, bevor du aus dei'm Traum aufwachst
I mog so gern in da Fria, ins Bett griacha zu dir
I riach so gern die Haut, de wia Schokolad ausschaut
Mog es wenn du mi wecksd und dein Arm sanft um mi legsd

I hear so gern dein Gsang, ja, du singst sogar dann
Wenn I schlafa mog und eigentlich koan Menschen mehr vertrog
I mog es wenn du glabst, dass du für mi olles sei datsd
Warst du grad ned soweid weg, und datsd wohna um de Eck

**I mohohohog de Dohohohog
I mohohohog de Dohohohog**

I mog so gern di Dog, de I für mi ganz alloa hob
I mog von Zeit zu Zeit, a bissl egoistisch sei

I steh auf und dank am Gott, dass er mi so erschaffen hod
Dass I alloa durch's Lem marschier und mi ned durch andere definier

I bin so gern verliebt, weil es nix schenares ned gibt
Ois Schmetterlinge spian, ohne glei ins G'fängniss neizumfliag'n
I hoid so gern dei Hand, für den Moment san mia beinand
I öffne mi dir ganz, weil du mi nia eisperren kantst

I mohohohog de Dohohohog
I mohohog de Dohohohog

I mog es wenn du sogst, dass du heid koa Zeit ned host
Du mei Lacha sehr vermisst, und meinen Körper nia vergisst
I hea so gern dei Stimm, sitzi in da S-Bahn drin
Und beobacht dabei de Leid, wia si da oa mim andan Streit

I vergiss, wohin i geh, nia den Schmerz denn es duad weh
Glückliche Pärchen o zum schaun, de ernam Partner blind vertraun
I frog mi manchmoi scho, warum leb I ned a moi so
Man is scho z'fried'n wenn ma grod, den den ma liebt um si hod

I mog de Dog, de i mit dir hob
Mi gfreid, de Zeit, in deri mei eig'ne Gschicht
Schreib'n ko , i bin trotzdem für di do
Schliaß di fest in mi ei, wohin i a geh du bist dabei
I mog de Dog

Es liegt nur an Dir

Wenn du denkst dass ois schiaf laft
Und du glabst du bist alloa
Schau di um
Es is ned wahr

Wenn du denkst du erleidest
Oll die Schmerzen dera Weid
Wer des Opfer spuid
Is nia der Heid

Oiso steh auf
Gib ned glei auf
Du werst seng dass es besser werd
Glab an di
Und vergiss nie
Dass des dei' Lem is
Des nur dir gheard

Es liegt nur an dir
Ob du woanst oder lachst
Es liegt nur an dir
Ob du die Augn aufhost oder schlafst
Weil nur du entscheidst
Ob du gehst ob du bleibst
Ob du denkst oder fuist
Weil olles geht wenn du wuist

Wenn du denkst deine Wege
Warn irgendwo verkehrt
Und du Angst host
Dass's oiwei dunkel blei'm werd

Hear moi diaf in di eine
Denk an die Menschen, die du mogst
Die für die dosan wenn du glabst
Dass du ois verloren host

Oiso steh auf
Gib ned glei auf
Du werst seng dass es besser werd
Glab an di
Und vergiss nie
Dass des dei' Lem is
Des nur dir gheard

**Es liegt nur an dir
Ob du woanst oder lachst
Es liegt nur an dir
Ob du die Augn aufhost oder schlafst
Weil nur du entscheidst
Ob du gehst ob du bleibst
Ob du denkst oder fuist
Weil olles geht wenn du wuist**